

欽定新疆識畧卷五

官制兵額

乾隆二十四年底定新疆二十五年叅贊大臣阿
桂由阿克蘇率兵至伊犁爲辦事大臣是伊犁設
官之始二十七年設將軍叅贊大臣時將軍明瑞
奏設印房糧餉駝馬三處派司員筆帖式委筆帖式
專典簿書又設營務處派侍衛章京職司文檄至
於管理滿洲綠營官兵及部落事務者則有領隊
大臣屯鎮總兵總兵設自二十五年領隊大臣初
無定員二十九年始分管錫伯索倫察哈爾厄魯

912.561
3604
6

特四營三十四年添設惠寧城領隊大臣凡五員
其管理旗民事務者則有同知三十一年設理事
同知四十五年改理事同知爲撫民同知添設理
事同知一員各城復設巡檢四大小相維文武分
職制綦善矣然有治人無治法新疆民夷雜處接
壤外藩戶口日增尤先生計必治兵者能教養之
兼施治民者復恩威之相濟而邊帥守之以鎮靜
行之以變通庶有當於設官分職之意云爾各官
職掌及兵額謹敘於後歷任將軍叅贊大臣以下
在任年月臚於表云

總統伊犁等處將軍一員先是乾隆二十五年叅贊大臣阿桂由阿克蘇帶兵至伊犁鎮守開屯爲辦事大臣二十七年八月阿桂進京叅贊大臣明瑞自烏魯木齊至伊犁辦事是年十月奉

上諭伊犁初定新疆之地現在建城駐兵此缺應作爲將軍鎮守地方今明瑞在彼總辦事務卽以明瑞作爲伊

犁等處總統將軍該部照例給與印信欽此

其阿桂所用辦事大

臣印
明存庫 奏

將軍之設自此始節制南北兩路統轄

外夷部落操閱營伍廣闢屯田應辦事件印房營務處糧餉處駝馬處及文武各員分司之

叅贊大臣一員乾隆二十七年十一月奉

上諭伊犁已設將軍應設叅贊大臣同辦事務愛隆阿伊勒圖作爲伊犁叅贊大臣烏岱作爲伊犁領隊大臣愛隆阿烏岱每人各賞銀一百兩由驛赴任伊勒圖卽由喀什噶爾赴任欽此時初設叅贊大臣係二員至二十九年正月伊勒圖進京始爲一員三十二年將軍阿桂因辦事需人

奏請補放叅贊大臣奉

上諭伊勒圖曾任伊犁叅贊大臣伊犁叅贊大臣之缺仍補放伊勒圖欽此伊勒圖旋調喀什噶爾未經補放三

十三年六月伊勒圖署伊犁將軍是年七月

奏言伊犁將軍前有叅贊大臣同辦事務將軍明瑞

回京後因無叅贊大臣經將軍阿桂奏請蒙

恩將

臣

伊勒圖補放伊犁叅贊大臣嗣

臣

差往喀什噶爾

辦事伊犁惟有將軍阿桂辦理事務今

臣

又蒙

恩署理伊犁將軍伏思此處各營攜眷官兵諸事繁雜而

教練兵丁籌畫生計必須展轉辦理

臣

年少無識

未甚經事須得一商酌之人庶為有益伊犁現有

領隊大臣綽克托曾經辦事可否令幫

臣

辦事奉

上諭綽克托係朕深知之人竟與人不睦若伊補放叅贊

大臣伊勒圖反被掣肘於事無益且惟用兵之時始分別叅贊大臣領隊大臣今各省將軍等並無叅贊大臣皆副都統等同辦事務伊犁現有數員領隊大臣有事即可商酌無庸特放叅贊大臣欽此嗣於三十六年巴圖濟爾噶勒復任三十七年後仍停四十二年拉旺多爾濟復任四十四年卸事後將軍伊勒圖

奏言伊犁叅贊大臣拉旺多爾濟率領試練兵丁入覲適接軍機處來文內開伊犁試練兵丁已由驛旋回其叅贊大臣拉旺多爾濟不同本任現在伊犁旣無叅贊大臣查領隊大臣惠齡明白曉事臣卽令伊

幫同辦事奉

硃批知道了欽此嗣後補放無定制

印房掌關防司員一員幫辦一員專管日行事件
及吏兵各部應行咨覆者俱由印房承辦稿案內
由京派來司員一員本處保陞主事職銜一員各
摺奏處印房兼管派本處協領及保陞主事職銜
併筆帖式等專司其事

功過處印房兼辦專管官員功過登記檔案

糧餉處掌關防司員一員幫辦三員專管錢糧支

發及年終報銷並關涉戶工二部事件稿案俱由

糧餉處承辦內由京派來司員一員由京廢員由

賞給職銜派來者二員本處保陞主事職銜一員

駝馬處掌關防司員一員幫辦一員專管各部落

孳生牛馬及哈薩克貿易牲畜等事由京廢員

賞給職銜派來者二員本處保陞主事職銜一員

營務處侍衛章京無定員委筆帖式二員總辦各

營飭傳官差出派巡查事件沿邊卡倫嚴禁私行

出入如本管某營領隊大臣巡查所管卡倫由某

卡至某卡各該卡倫侍衛隨時具報營務處稟知

將軍雖領隊大臣亦不得擅出卡倫凡應出卡倫

公幹者俱由營務處請示將軍傳檄為憑除照例
貿易者外如有外來夷衆卡倫侍衛立即具報營
務處稟知將軍定奪至各營官兵缺出其應入選
者營務處查其功過稟知將軍揀選挑補所有將
軍閱操一切事務俱隸營務處

滿營檔房協領佐領等官總司八旗官兵事務

筆帖式四員印房二員

一員辦理印房事件一員辦理摺奏處事件糧

餉處一員駝馬處一員俱由本處委筆帖式內挑

補三年期滿願進京者以部缺用願留本處者以

驍騎校用如由本處筆帖式內保陞主事職銜委

署章京七年期滿願進京者引

見以部缺用願留本處者以防禦用其由主事職銜保

陞本處同知者五年期滿送部引

見開缺另行奏補

委筆帖式八員營務處二員滿營檔房二員印房

二員一員辦理印房事件一員辦理摺奏事件糧餉處一員駝馬處

一員俱由本處滿兵貼寫內挑補報部戴用六品

頂原得錢糧照軍營筆帖式之例祇給鹽菜不增

給口糧五年期滿保列頭等者以驍騎校陞用二

等者摘去頂戴撤回本旗當差

軍臺委筆帖式六員乾隆三十一年將軍明瑞

奏定兩臺設立筆帖式一員計伊犁十二軍臺所設

筆帖式六員東路三員南路三員其巴圖蒙柯軍臺筆帖式一員

由錫伯營挑補其頂戴與印房等處委筆帖式同

卡倫侍衛十五員新疆初定由京派來侍衛無定

員乾隆二十六年辦事大臣阿桂

奏定卡倫侍衛十五員營務處酌留一二員餘分撥

各營卡倫當差由京頭二三等侍衛及護軍叅領

副護軍叅領委護軍叅領派來三年更換

惠遠城管倉糧員一員乾隆四十年將軍伊勒圖

奏言惠遠城倉員向係伊犁効力廢員及

軍用

賞銜人員挑取管理但惠遠城倉貯各營官兵俸餉鹽

菜銀一年共計六十餘萬兩各項官兵應得口糧

及所貯每歲貿易哈薩克之綢緞布匹等件關係

甚重非別城可比請嗣後由陝甘兩省於滿洲同

知或通判揀派前來三年無過照苗疆例陞用

惠寧城固勒札綏定城塔勒奇城管倉糧員四員

專司收放糧石初設惠遠城固勒札二處倉員乾

隆三十四年將軍永貴以惠寧城添設領隊大臣

就近設倉官一員專司綠營回屯所交糧石四十

八年將軍伊勒圖以綏定城塔勒奇城有倉二所
存貯綠營糧石惟交綠營官員管理難免日久挪
移之弊請照惠寧城固勒札之例各設倉員一員
奏請賞給主事職銜專爲承辦或請由京廢員

賞銜派補

撫民同知一員先是乾隆三十一年將軍明瑞

奏言前經軍機大臣咨開伊犁將軍衙署應照各省
駐防將軍設立左右司印房等因前來但查伊犁
攜眷滿洲錫伯索倫察哈爾厄魯特等營兼有綠

營屯田兵又有種地回子且商民來往事務紛紜
僅照內地設立左右司印房斷難辦理請設理事
同知一員於公務大有裨益旋奉部議准設理事
同知一員由京各部員內滿洲蒙古主事小京官
保列頭等之筆帖式補放三年期滿照苗疆例陞
用嗣於四十五年將軍伊勒圖

奏言伊犁自乾隆三十一年設理事同知一員今數
十年來兵民戶口以及各營刑名案件較前倍增
同知一人管理實難周到請將現有之理事同知
一員改爲撫民同知管理地方一切事務再添設

理事同知一員辦理各營刑名案件得

旨允行凡伊犁九城稅賦牲畜煤窰房租地租錢局廠工
及商民緣營命盜案件或由本處主事職銜陞補
或由廢員主事職銜糧員陞補

理事同知一員管理兩城滿營各部落及回子一
切命盜脫逃各案及旗民交涉事件

惠遠城惠寧城綏定城拱宸城巡檢四員乾隆三
十二年將軍阿桂

奏設巡檢兩員惠遠城巡檢管理監獄兼辦典史事
務綏定城巡檢管理商民兼辦倉廩大使事務三

十六年將軍舒赫德以惠寧城有由西安移駐滿營兵二千餘名商民積聚甚多

奏請將綏定城巡檢移駐惠寧城其綏定倉廩事務交總兵於綠營派員兼理四十五年將軍伊勒圖奏以伊犁現在移駐攜眷綠營兵添建城房分住所
有巡檢二員不能分管請添巡檢二員得

旨允行嗣添設綏定城巡檢一員拱宸城巡檢一員共四員俱由陝甘現任調補五十二年定例三年俸滿調員更換俟新任到後協辦半年回內地候陞

惠遠城滿營

自乾隆二十九年始至三十一年止調熱河涼州莊浪滿洲蒙古官